



(ciep banj 4)

—Bietdingh aeu seizseiz daj daengx-buenz bae naemj. Mboujduenh hawj yiengh ngeixnaemj daihbuenz, ngeixnaemj lizsij, ngeixnaemj bencwng, ngeixnaemj hidungj, ngeixnaemj cauhmoq, ngeixnaemj fapceih, ngeixnaemj daesienq bienq engq ak, vih raeuz naemj gonq naemj gyae, daengxbuenz maeuzveh, cingjdae doicaenh gak hangh saehnieb Dangj caeuq guekgya daezhawj shwsiengj fuengfap ndei.

—Bietdingh aeu seizseiz sim miz lajmbwn. Raeuz aeu haigvangq lwgda yawj seiqgyaiq, laegdaeug yawjronz aen byaij-yiengq vunzloi hwnghat baenaj, lailai hoizdap gij vwndiz gyoengq yinzminz gak guek caez gvansim de, ok goengrenz gaijgez aen vwndiz gij vunz lajmbwn seizneix doengzcaeuz bungz-daengz haenx, aeu yiengh dungx gvangq lumj haij bae hag aeu sojmiz vwnzmingz cwnzgoj maenhndei vunzloi, doidoengh hwnqguh aen seiqgyaiq engqgya gyaunde.

Siz Ginbingz daegbied gangj daengz, aeu yiengh yendaiva Cungguk bae cienzmienh doinyoengx Cunghvaz Minzcuz fukhwng hungmbwk

Siz Ginbingz youq ndaw aen baugau Ngeihcib Daih daegbied gangj daengz, daj seizneix hwnj, gaiq hong cei youqgaenj Cunghgoz Gungcanjdangj couh dwg doxgiet daiqlingx daengx guek gak cuz yinzminz cienzmienh hwnqbaenz aen guekak sevei cuji yendaiva, guhbaenz aen moegbiu buekguh aen bak bi daihngeih, aeu yiengh yendaiva Cungguk bae cienzmienh doinyoengx Cunghvaz Minzcuz fukhwng hungmbwk.

Siz Ginbingz youq ndaw baugau vixok, baengh Cungguk moq laebbaenz daegbied dwg gaijgwz hailangh doxdaeug ciengzgeiz damqra caeuq saedguh, ginggvaq Cibbet Daih doxdaeug lijln caeuq saedguh ndaej cauhmoq cungbyoengq, Dangj raeuz caen ndaej hawj yiengh yendaiva Cungguk yied guh yied ndei, yied mbe yied gvangq.

Yiengh yendaiva Cungguk, dwg yiengh yendaiva sevei cuji youz Cunghgoz Gungcanjdangj lingjdauj, gawq miz giz caeuq yiengh yendaiva gak guek doxdoengz de, engq gag miz gij daegsaek habngamj guekcingz Cungguk.

—Yiengh yendaiva Cungguk dwg yiengh yendaiva vunzsoq lailai daihdaih.

—Yiengh yendaiva Cungguk dwg yiengh yendaiva daengxcungq yinzminz doengzcaeuz fouqmiz.

—Yiengh yendaiva Cungguk dwg yiengh yendaiva vuzciz vwnzmingz caeuq cingsaenz vwnzmingz doxdaengh.

—Yiengh yendaiva Cungguk dwg yiengh yendaiva bouxvunz caeuq swwhyenz doxhuz caemhyouq.

—Yiengh yendaiva Cungguk dwg yiengh yendaiva byaij diuz roen hozbingz hwnghat.

Siz Ginbingz vixok, yiengh yendaiva Cungguk gij bonjaet iugouz de dwg: Dingmaenh Cunghgoz Gungcanjdangj lingjdauj, dingmaenh yiengh sevei cuji miz gij daegsaek Cungguk, guhbaenz caetliengh sang bae hwnghat, hawj yinzminz minzcuz ronzoeng goekbyai, hawj aen uk aen sim yinzminz ndaej cungsad, hawj daengxcungq yinzminz ndaej doengzcaeuz fouqmiz, coicaenh bouxvunz caeuq swwhyenz doxhuz caemhyouq, doinyoengx cauhlaeb aen minghyinh caezcaemh vunz lajmbwn, dajcauh aen hingzdai moq vwnzmingz vunzloi.

Siz Ginbingz youq ndaw baugau vixok, daengz 2035 nienz, aen cingjdae moegbiu hwnghat guek raeuz dwg: Saedlig ginghci, saedlig gohgi, gueklig gyoebhab daih fukdoh yat sang, swngchcanj cingjiz ndaw guek dan bingz suenq daengz gak boux caiq ndaej hwnj mbaek hung, dabdaengz gij suiyingz aen guekgya fatdad cingdaengj; hawj gohgi gag laeb gag ak guh ndaej daengz suiyingz sang, yamq haeu baizgonq yiengh guekgya ak cauhmoq; laebbaenz aen ginghci diji yendaiva, cauxbaenz aen gapgyaq hwnghat moq, daihdae guhbaenz yiengh gunghyezva, sinsizva, cwnzcinva, nungzyez yendaiva moq; daihdae hawj aen diji ceihleix caeuq gij bonjsaeh ceihleix guekgya ndaej habngamj ciuhneix, aen cidu yinzminz minzcuz ronzoeng goekbyai engqgya caezcienz, daihdae hwnqbaenz aen guekgya fapceih, aen cwngfuj fapceih, aen biengz fapceih; hwnqbaenz aen guekgya gyauyuz ak, aen guekgya gohgi ak, aen guekgya vunzcaiz ak, aen guekgya vwnzva ak, aen guekgya diyzuz ak, aen Cungguk cangqheiq, gij saedlig' unq vwnzva guekgya bienq ak yienhda; gij saedceij yinzminz engqgya vuenyungz, gij souhaeu ndaej yungh dan bingz suenq daengz gak boux caiq hwnj mbaek moq, gij vunzsoq gyoengq souhaeu cingdaengj ndaej ciemq lai haujai, yiengh fugsah vunzlai caezcaemh giekbonj guhdaengz bouxboux doxdoengz, lajmbanj daihdae bwh caez gij doenghyiengh ciuh haenx gvaq saedceij aeyungh, ndawbiengz ciengzgeiz cing onjdingh, bouxvunz yienghyiengh fatmaj, daengxcungq yinzminz doengzcaeuz fouqmiz caen ndaej guhndei baenaj haujai; dauqcauw raen yungh fuengsik loegsaek bae swngchcanj swngghoz, danq baizcuengq daemxdingj le menhmenh gyangqdaemq, swngghdai vanzging daj goekgaen bienq ndei, aen moegbiu Cungguk bienq gyaunde daihdae guhdaengz; aen diji caeuq gij bonjlingx hawj guekgya ancienz ndaej cienzmienh gyaak, daihdae guhbaenz gozfangz caeuq bingdoi yendaiva.

Baezlaeng haj bi dwg mboengq cei youqgaenj ndeu, dwg mboengq haibuenz hwnjdin cienzmienh hwnqguh aen guekgya sevei cuji yendaiva.

Siz Ginbingz youq ndaw baugau vixok, guek raeuz hwnghat haeu daengz mboengq miz seizgei hungloet caemh miz fungyiemj nyauxyex, yienghsaeh mbouj doekdingh nanz liuhdaengz de demlai, gij saeh gig noix raen dauqfanj raen, gij saeh raen lai dangq mbouj raen de seizseiz aiq miz ok. Raeuz itdingh aeu

lai rox youheiq, seizseiz naemj daengz daesienq, guh daengz youq onj ngeix nanh, caengz fwn bwh liengj, caepcawq dingjsouh fwnhung rumzraq engqliz vax biengj ranz doemq doengh gij gaujniemh haenqnaek neix. Youq gwnz roen baenaj, itdingh aeu gaemmaenh gij yenzcwz hungnaek lajneix.

—Dawzmaenh caeuq gyaak yiengh-yiengh aeu Dangj lingjdauj. Laemxsim henho gij gienzvi caeuq yiengh gyonjcomz lingjdauj Dangjcunghyangh, hawj gak lingjiz gak fuengmienh gak vanzcez gij saehnieb Dangj caeuq guekgya cing aeu Dangj daeu lingjdauj, hawj Dangj raeuz youq mwh rumz fwn daeu daengz itcig cing dwg bouxguhcawj gyoengq yinzminz Cungguk cei baenghndaej de.

—Dawzmaenh diuz roen sevei cuji miz gij daegsaek Cungguk. Gawq mbouj byaij diuz roengaeug fungsak gyaenggyat, hix mbouj byaij diuz roenloek gaijvuenh geizhauh, dawzmaenh ciuq rengz swheij bae hawj guekgya caeuq minzcuz hwnghat, dawzmaenh gaemndaet gij minghyinh Cungguk hwnghat baenaj youq ndaw fwnz swheij.

—Dawzmaenh aen swsiengj hwnghat aeu yinzminz guh cungsam. Mboujduenh guhdaengz hwnghat vih yinzminz, hwnghat baengh yinzminz, cwnzgoj hwnghat youz yinzminz caemhyungh, hawj gij cwnzgoj hwnqguh yendaiva engq lai engq goengbingz ik daengz daengxcungq yinzminz.

—Dawzmaenh gyalag gaijgwz hailangh. Mboujduenh yienh' ok giindei yiengh cidu sevei cuji miz gij daegsaek Cungguk, mboujduenh dem' ak gij rengz-nyoengx caeuq rengzhoengh hwnqguh sevei cuji yendaiva, daw giindei doengh aen cidu guek raeuz engq ndei cienjbienq baenz gij rengzmaenh ceihleix guekgya.

—Dawzmaenh fatyengz cing saenz buekhoenx. Hawj daengx Dangj daengx guek gak cuz yinzminz lai miz ceiqheiq, goetheiq, daejheiq, mbouj saenq gij yak, mbouj lau duzfangz, mbouj lau deng naenx, rox nanz hix hwnj, roemx nanz bae guh, daengxbuenz maeuzveh hwnghat caeuq ancienz, aeu cienzbouh goengrenz bae dwkroengz gak cing hojnanz caeuq nyauxyex gwnz roen baenaj, baengh haenqmengx buekhoenx bae dwk ok aen diendeih moq hwnghat saehnieb.

Siz Ginbingz daezok, gyavaiq cauhlaeb yiengh gapgyaq hwnghat moq, roengzrengz coihawj yiengh hwnghat caetliengh sang guh baenaj

Siz Ginbingz youq ndaw aen baugau Ngeihcib Daih daezok, itdingh aeu caezcup, cinjdeng, dohcaez hengz ndei aen leixniemh hwnghat moq, dinghmaenh aen fuengyiengq gaijgwz yiengh hawciengz ginghci sevei cuji, dinghmaenh guh yiengh doiq rog hailangh gaep sang, gyavaiq cauhlaeb aen gapgyaq hwnghat moq aeu aen loek ndaw guek baenqcieng guh goek, ndaw guek rog guek song loek caez baenq bae doxcoi baenaj.

(cienj banj 6)